



周

古八廿九

夏官

大司馬

服部文庫
117
181
13



117
181
13

禮記疏卷第二十八

漢鄭氏註

唐賈公彥疏

夏官司馬第四

鄭云象夏所立之官馬者武也言為武者也夏整齊萬物天子立司馬共掌邦政政可以平諸侯正天下故曰統六師平邦國

惟王建國辨方正位體國經野設官分職以為民極乃立夏官司馬使帥其屬而掌邦政以佐王平邦國

政正也政所以正不正者也孝經說曰政者正也正德名以行道正之義大司馬主六軍所以正諸侯

周禮疏

卷三十一

禮記疏

違王命不正者故鄭云所以正不正是以康子問政孔子云子帥以正孰敢不正孝經說者是孝經緯文云政者正也正德名以行道者亦是正者先自正已之德名以行道則天下自然正引之以證正不正之事

政官之屬大司馬卿一人小司馬中大夫二人軍

司馬下大夫四人輿司馬上士八人行司馬中士十

有六人旅下士三十有二人府六人史十有六人胥

三十有二人徒三百有二十人與衆也行謂軍行

列晉作六軍而有二行取名於此○輿音餘行戶剛

政官至十人○釋曰此序官從大司馬至府六人

其數與諸官同自史以下則異諸官皆云史十二人胥十二人徒三百二十人與諸官異者以大司馬大總

也

六軍軍事尚嚴特須監察故胥徒獨多是以襄公三年六月晉悼公會諸侯盟于雞澤秋晉侯之弟揚下亂行於曲梁魏絳戮其僕晉侯怒對曰使臣斯司馬臣聞師衆以順爲武是其尚嚴也○與衆至於此○釋曰與衆者按左氏傳僖二十八年晉侯聽輿人之誦是與爲衆之義也云行謂軍行列者詩云寘彼周行是行得爲行列云晉作六軍而有二行取名於此者左氏僖二十八年云晉侯作三行以禦狄註云晉置上中下三軍令復增置三行避天子六軍之名以所加三軍者謂之三行彼名軍爲行取於此行可馬之凡制軍萬有二千五百人爲軍王六軍大國三軍次國二軍小國一軍軍將皆命卿二千有五百人爲師師帥皆中大夫五百人爲旅旅帥皆下大夫百人爲卒卒長皆上士二十五人爲兩兩司馬皆中士

五人爲伍。伍皆有長。軍師旅卒兩伍，皆衆名也。伍一比兩一閭，卒一旅，旅一黨，師一州，軍一鄉，家所出。一人將帥長司馬者，其師吏也。言軍將皆命卿，則凡軍帥不特置，選於六官六鄉之吏，自卿以下德任者，使兼官焉。鄭司農云：王六軍，大國三軍，次國二軍，小國一軍。故春秋傳有大國次國小國。又曰：成國不過半天子之軍，周爲六軍，諸侯之大者三軍可也。詩大雅常武曰：赫赫明明，王命卿士，南仲大祖，大師皇父，整我六師，以修我戎。旣傲旣戒，惠此南國。大雅文王

曰周王于邁，六師及之。此周爲六軍之見于經也。春

秋傳曰：王使虢公命曲沃伯以一軍爲晉侯。此小國

一軍之見于傳也。百人爲卒，二十五人爲兩。故春秋

傳曰：廣有一卒，卒偏之兩。軍將子匠反，凡軍將將帥之類，放此帥所類反。下

將帥之字皆同。卒子忽反，後皆同。卒長丁丈反。卷內不出者，放此。比毗志反。大祖音泰。下大師及下文大

僕同。皇父音甫。微本亦作微。京凡制至有長。釋領反。見賢遍反。下同。廣光浪反。曰云此大國次國

小國者，皆以命數同。若軍數則同，則上公爲大國，侯伯爲次國，子男爲小國也。魯是侯爵，而魯頌云：公徒

三萬。註云：萬二千五百人爲軍。大國三軍，合三萬七千五百人。言三萬者，舉成數也。然當公之時，其實二

軍。故襄公十一年作三軍，則前無三軍矣。若僖公時有三軍，則中間應有。今文註詩爲三軍者，作詩之人

二萬疑是三萬

鄉 鄉 族

舉魯盛時而言若然魯公伯禽之時則三軍矣魯語
 季武子為三軍叔孫昭子曰不可又云今我小侯也
 以實言之也此言軍將皆命卿及師帥皆中大夫旅
 帥皆下大夫卒長皆上士兩司馬皆中士伍皆有長
 者皆據在鄉為鄉大夫州長黨正族師閭胥比長時
 尊卑命數而言伍皆有長是比長下士不言皆下士
 者以衆多官卑故略而不言也○**國**軍師至之兩○
 釋曰鄭以經伍兩卒旅師軍皆據在鄉內民數而言
 者以其凡出軍皆據六鄉為數是以小司徒云凡起
 徒役無過家一人是以鄭據在鄉之數而以家出一
 人結之也鄭云言凡軍將皆命卿則凡軍帥不特置
 選於六官六鄉之吏者鄭云選於六官者謂王朝六
 卿此六軍之將還選六卿大夫及州長黨正六師閭胥
 言六鄉之吏者據六卿大夫及州長黨正六師閭胥
 比長中有武者今出軍之爵還遣在鄉所管之長為
 軍吏也鄭必知還遣本長為軍吏者見管子云因內
 政寄軍令且經並據在卿時尊卑而言故知因遣其

於軍因為

鄉之官而領之也是以州長職註云掌其戒令賞罰
 帥自黨已下註皆云因為旅帥因為卒長閭胥以下
 雖不言因為義可知又云自卿已下德任者使兼官
 焉者按大司馬云師都載旗鄉遂載物鄭云鄉遂大
 夫或載旃或載物衆屬軍吏無所將則自卿已下至
 伍長有武德堪任為軍之吏者乃兼官兼官者在鄉
 為鄉官在軍為軍吏若無武德不堪任為軍吏者則
 衆屬他軍吏身不得為軍吏是無所將也是以詩云
 韎韐有奭以作六師鄭云諸侯世子除三年之喪未
 遇爵命服士服而來時有征伐之事天子以其吏任
 為軍將是代為軍將之事則王朝之官有武德者皆
 可代為軍吏也先鄭云王六軍已下復引諸文者以
 當時有不信周禮者故引為證言春秋有大國有次
 國有小國者此亦春秋正文成三年冬十一月晉侯
 使荀庚來聘衛侯使孫良夫來聘公問諸臧宣叔曰
 中行伯之於晉其位在三孫子之於衛也位為上卿
 將誰先對曰次國之上卿當大國之中當其上下
 當其上大夫小國之上卿當大國之下卿中當其上

周禮疏

卷之三十一

四

大夫下當其下大夫上下如是古之制也衛在晉不得為次國晉為盟主其將元之丙午盟晉丁未盟衛蓋指此為大國次國小國也云又曰成國不過半天子之軍周為六軍諸侯之大者三軍可也者襄十四年晉侯舍新軍禮也成國禮不過半天子之軍周為六軍諸侯之大者三軍可也晉雖為侯爵以世為霸主得置三軍故為禮也云此周為六軍之見于經也者此引春秋及大雅常武與文王皆是正經故云之見于經也此經言軍而詩云師者此皆軍也故鄭答林碩云軍者兵之大名軍禮重言軍為其大悉故春秋之兵雖有累萬之眾皆稱師詩云六師即六軍也然軍旅卒兩皆眾名獨舉師者故易師象云師貞丈人吉無咎軍二千五百人為師丈之言長也以法度為人之長故吉無咎謂天子諸侯而主軍軍將皆命卿天子六軍兵眾之名移矣正言師者出兵而多以軍為名次以師為大名少旅為名言眾舉中言之也由此言之故以師為大名不言軍為其大悉不言旅為其中故以師表名見其得中以兼上下言軍以軍為名

謂征伐次以師為名謂若行師從少以旅為名謂卿行旅從之時也云春秋傳曰王使虢公命曲沃伯以一軍為晉侯此小國一軍之見於傳者莊十六年傳文以其新并晉國雖為侯爵以小國軍法命之故一軍也云故春秋傳曰廣有一卒卒偏之兩者宣十二年欒武子說楚之軍法云其君之戎分為二廣服氏云左右廣各十五乘廣有一卒服氏云百人為卒言廣有卒為承也卒偏之兩服氏云五十人曰偏二十五人曰兩廣既有一卒為承承有偏偏有兩故曰卒偏之兩引之以證卒是百人兩為二十五人意也

一軍則二府六史胥十人徒百人
一軍聖百人○釋曰此非掌也

有軍則置之無則已府史不言府二人史六人而逆言其數者欲見所置非常故倒言以見義也

司勳上士二人下士四人府二人史四人胥二人徒二十人
故書勳作勛鄭司農云勳讀為勳勳功也此

官主功賞故曰掌六鄉賞地之法以等其功。○勳香云反劉

音訓 司勳至十人。○釋曰此已下六十官以大司馬皆屬焉。序官前後亦不據尊卑直取事急者居前事緩者居後是以司勳及馬質已下皆士官而居前射人諸子司士之等大夫官而居後也。但司馬主征伐軍無賞士不往凡軍以賞為先故僖二十八年秋七月晉文公獻俘授馘飲至大賞武王入殷封功臣謀士師尚父為首故司勳列位在前上士二人為官下士四人為之佐。府二人主藏文書史四人作文書草胥二人為十長徒二十人給徭役。○**音** 故書至其功之勳也云掌六鄉賞地之法以等其功者司勳職文

馬質中士二人府一人史二人賈四人徒八人。質平也。主買馬平其大小之賈直。○賈音嫁。註及下同。賈直。○釋

也。主買馬平其大小之賈直。○賈音嫁。註及下同。賈直。○釋

也。主買馬平其大小之賈直。○賈音嫁。註及下同。賈直。○釋

也。主買馬平其大小之賈直。○賈音嫁。註及下同。賈直。○釋

也。主買馬平其大小之賈直。○賈音嫁。註及下同。賈直。○釋

也。主買馬平其大小之賈直。○賈音嫁。註及下同。賈直。○釋

里

曰司馬者主以供軍之用馬質主平馬賈買之故亦列職居前也。然不使與校人相近而在此者平馬大小賈直故使與量人相近故也。以其主司馬故屬夏官。

量人下士二人府一人史四人徒八人。量猶度也。謂

以丈尺度地。○量音亮或音良。下同。度待洛反。下同。釋曰在此者

以其掌管軍之壘舍量其市朝州塗軍社之所理其中雖有餘事要以軍事為重故亦列職於此也。

小子下士二人史一人徒八人。小子主祭祀之小事。

音訓 小子至小事。○釋曰在此者以其職有掌小祭祀羞羊肆爨軍器師田掌斬牲狗陳之事故屬此也。

羊人下士二人史一人賈二人徒八人。羊人。○釋曰

羊人在此者。

以其職有掌羊牲又祭祀割牲等之事羊屬南方火司馬火官故在此按說卦云兌為羊註云其畜好剛鹵又易說云大山失金雞西嶽亡玉羊玉羊者西嶽之精而羊不在西方者羊有二義按五行傳云視之不明則有羊禍註云羊畜之遠視者屬視故列在夏官兌為羊又屬西方也

司燿下士二人徒六人 故書燿為燿杜子春云燿當

為燿書亦或為燿燿為私火玄謂燿讀如弓若觀火

之觀今燕俗名湯熱為觀則燿火謂熱火與古燿反

燿哉約反李又音灼觀古燿反故書至火與釋曰在

令火屬南方故在此也子春不從古書燿還從燿燿

為私火者民間理爨之火為私火亦如後鄭為熱火也後鄭讀如弓若觀火者盤庚告其羣臣不欲從而

匿情者予若觀熱也我有刑罰如熱火可畏故引燕

俗以湯熱為觀亦取熱火之義後鄭云謂熱火與者對秋官司烜氏以夫燧取火於日中為明者為冷火破字為疑故云與也孔安國以觀為視我觀汝情如視火與鄭義異也若然司烜氏不在此者彼取金義故在秋官也

掌固上士二人下士八人府二人史四人胥四人徒四

十人 固國所依阻者也國曰固野曰險易曰王公

設險以守其國固國至其國釋曰鄭云固國

言云國曰固野曰險者對下文司險是在野之義也

以其掌固職云掌脩城郭溝池樹渠之固竝據國而

言司險職云周知山林川澤之阻而達其道路皆據

在野而言故知在野曰險又引易者易坎卦彖云天

險不可升地險山川丘陵王公設險以守其國引之

證固是在國王公設之以守國若然易云王公設險

險卽此固以其言王公設之非是在野自然之險者也。是對之則險固異散則險固通名也。掌固司險在此者取整齊之義故也。

司險中士二人下士四人史二人徒四十人

掌疆中士八人史四人胥十有六人徒百有六十人

疆界也。○疆居良反。按其職闕雖未知其事蓋掌

守疆界亦是禁戒之事故在此也。

候人上士六人下士十有二人史六人徒百有二十人

候候迎賓客之來者。○候候至來者。○釋曰在此者按其職云各掌其方

之道治與其禁令以設候人是候迎賓客之事故詩云彼候人兮荷戈與殺亦是武事故在此也。

環人下士六人史二人徒十有二人

力卻敵。○環戶關反。劉戶串。○釋曰在此者按其職云

掌致師察軍慝皆是軍師之事也故在此也。

挈壺氏下士六人史二人徒十有二人

之挈壺盛水器也。世主挈壺水以爲漏。○挈劉若結反。一音結。又

戶結反。○挈讀至爲漏。○釋曰在此者按其職云盛音成。○挈挈壺以令軍井。挈轡以令舍。挈畚以令

糧。又云凡軍事懸壺以序聚糧皆爲軍事。按在此也。鄭讀挈如絮髮之絮者。詩云總角之晏。毛傳云總角

結髮此鄭依毛傳絮卽結之義也。鄭云世主挈壺水以爲漏者以其稱氏此則官有世功則以官爲氏故

以世主解之也。

鳥

射人下大夫二人上士四人下士八人府二人史四人

胥二人徒二十人射人○釋曰在此者以其主射事射即武事故在此也

服不氏下士一人徒四人服不服不服之獸者

不至獸者○釋曰在此者以其服不服之獸象王者伐叛柔服之義故在此也

射鳥氏下士一人徒四人射食○射鳥氏○釋曰在此者按其職云掌

射鳥亦是武事在此宜也

羅氏下士一人徒八人能以羅罔搏鳥者郊特牲曰

大羅氏天子之掌鳥獸者○搏鳥音博一音付本又作捕音步

獸者○釋曰在此者按其職云掌羅鳥鳥亦是武事故在此也引郊特牲云大羅氏天子之掌鳥獸者按

鷺

彼云大羅氏天子之掌鳥獸者諸侯貢屬焉彼大羅氏則此羅氏為一彼稱大對諸侯此直曰羅氏此無所對故不稱大此職唯羅鳥不主獸彼兼言獸者諸侯所貢鳥獸屬焉則兼掌所貢之獸也

掌畜下士二人史二人胥二人徒二十人畜謂斂而

養之○畜許六反註此者按其職云掌養鳥而阜

蕃教擾之是專養鳥其職註謂鷺鷥之屬是斂而養之鳥是羽蟲屬南方故在此也

司士下大夫二人中士六人下士十有二人府二人史

四人胥四人徒四十人司士○釋曰在此者以其職云掌以德詔爵以功詔

祿與大司馬云進賢與功同故列職於此也

諸子下大夫二人中士四人府二人史二人胥二人徒

二十人 諸子至庶子 釋曰在此者按其職云若有甲兵

諸子至庶子 釋曰在此者按其職云若有甲兵之事則授之車甲故亦在此也鄭云諸子主公卿大夫士之子者按其職云掌國子之倅倅副代父者是公卿大夫士之適子皆是倅故鄭歷言之云或曰庶子者按禮記燕義稱此諸子為庶子故言或曰以其燕禮有庶子執燭之事彼稱諸子謂之庶子故燕義兼說天子諸子之事諸庶為一皆掌公卿大夫士之適故通謂之庶子也

司右 上士二人下士四人 **府** 四人 **史** 四人 **胥** 八人 **徒** 八

十人 右謂有勇力之士充王車右 釋曰在此者王車之右執干戈以衛王亦是武事故在此也鄭知勇力者其職云國之勇力之士能用五兵者屬焉鄭云選右當於中是用勇力充之者也

此者王車之右執干戈以衛王亦是武事故在此也鄭知勇力者其職云國之勇力之士能用五兵者屬焉鄭云選右當於中是用勇力充之者也

虎賁氏 下大夫二人中士十有二人 **府** 二人 **史** 八人 **胥**

八十人 **虎士** 八百人 不言徒曰虎士則虎士徒之

選有勇力者 賁音奔下同 亦衛守王在此宜也鄭云不言徒曰虎士則虎士徒之選有勇力者以其在胥下例皆是徒今不言徒而曰虎士明先是徒之選有勇力者乃為之以當徒處

旅賁氏 中士二人下士十有六人 **史** 二人 **徒** 八人 **旅**

氏 釋曰在此者按其職云掌執戈盾夾王車而趨左八人右八人車止則持輪言旅見其衆言賁見其勇亦是衛守王事故在此也

節服氏 下士八人徒四人 世為王節所衣服 偽反

大稱委貌緇布曰冠。○弁皮彥反。稱尺證反。弁師至四人。○

夏物長大而盛壯。人年長大乃冠。以象夏故不同。司服在春官。而在此也。○
○弁者至曰冠。○釋曰。按禮記郊特牲及士冠記皆云。夏收殷尋。周弁。三代皆祭冠。則弁亦冕也。卽是六冕。皆得稱弁。若然。皮弁爵弁。自然是弁。故鄭云。弁者古冠之大稱也。云委貌緇布。曰冠者。此二者對皮弁爵弁六冕。惟曰冠。若散文亦得言弁。故司服云。凡田冠弁。服凶事服弁服。皆得言弁也。

司甲。下大夫二人。中士八人。府四人。史八人。胥八人。徒

八十人。○甲今之鏡也。司甲兵戈盾官之長。○鏡若

常允反。○甲今至之長。○釋曰。在此者。其職雖闕。又音允。但甲者軍師所用。在此宜也。言甲今之鏡者。今古用物不同。其名亦異。古用皮謂之甲。今用金謂之鏡。從金爲字也。云司甲兵戈盾官之長者。以其

此官下大夫。又在上。已下皆士官。故云長也。

司兵。中士四人。府二人。史四人。胥二人。徒二十人。○兵司

○釋曰。在此者。按其職云。掌五兵五盾。及授兵從司馬之法。此亦爲軍事。在此宜也。

司戈盾。下士二人。府一人。史二人。徒四人。○戈今時句

子戟。○句。子古侯。其職云。祭祀授旅賁。故士戈盾。授舞者。兵皆武事。故在此也。○
○釋曰。按冬官冶氏爲戈戟。戈則兩刃。長六尺六寸。戟則三刃。長丈六尺。形旣不同。鄭云。戈句。子戟而爲一物。解之者。鄭舉漢法。以況之。漢時見戈有旁出者。爲句。子亦名胡。子故號戈爲句。子戟也。

司弓矢。下大夫二人。中士八人。府四人。史八人。胥八人。

徒八十人

司弓矢

弓弩矢箠官之長

音服

之長。釋曰在此者按其職云掌六弓四弩八矢給武之所用在此宜也云司弓矢弩矢箠官之長者司弓矢下大夫已下繕人橐人皆士官故得與之為長也鄭云司弓弩即繕人也

繕人

上士二人

下士四人

府一人

史二人

胥二人

徒二十人

十人

繕之言勁也善也

在此者

按其職云掌王之用弓弩矢箠亦是武事故在此也云繕之言勁也善也者以其所掌弓弩有堅勁而善堪為王用者乃入繕人以共王故鄭為此解之也

橐人中士四人 府二人 史四人 胥一人 徒二十人 鄭

司農云橐讀為芻橐之橐箭幹謂之橐此官主弓弩

箭矢故謂之橐人

○橐古老反幹如字沈古旱反

按其職云掌六弓八矢四弩是軍事所用故在此也先鄭云箭幹謂之橐按冬官矢人云以其箭厚為之羽深後鄭云箭讀為橐謂矢幹古文假借字則此橐人非直掌矢橐兼主弓弩矢箠等而云橐人者以橐為主耳故云此官主弓弩箭矢故謂之橐人

戎右中大夫二人

上士二人

古者參乘

此充戎路之

右田獵亦為之右焉

○乘繩

曰此戎右并下僕馭

在此者皆是防衛之官故若在此云古者參乘者若在軍為元帥則將居鼓下將在中御者在左若凡乎兵車則射者左御者居中若在國則尊者在左御者亦中央其右是勇力之士執干戈常在左右故云右者參乘也云此充戎路之右田獵亦為之右者按中車王路有五按下文僕亦有五惟此戎右已下有司禮疏

司禮疏

卷之二十一

禮記

不見玉路祀之右，又不見木路田路之右，故以田戎相類。齊祀相因，故以類相兼。故戎右兼田右，齊右兼祀右。若然，僕有五不兼者：僕難於右，是以六藝之中有五御，而不言右也。按中車、玉路居前，戎路在後，此右在前，又戎右大夫、齊右下大夫、道右上士、戎右官人尊者，夏官主事尚威武，故戎右居前，使官尊也。

齊右，下大夫二人。 充玉路金路之右。齊僕并註同。

充玉至之右。 釋曰：充玉路為主，故云齊按曲禮云：立如齊，註齊謂祭祀時，則齊雖施於祭前，當祭時亦名齊，故得兼金玉二路。而鄭不言亦以其齊同故也。

道右，上士二人。 充象路之右。曰：在朝所以行道是。以名車為道車，以中車五路差之上，已有玉金華木之等，此道右當充象路之右可知。不兼而官卑者，以其上四事簡，故使兼。此道右每日視朝行事繁，故不兼，以其事卑於齊戎之等，故官職卑也。

大馭，中大夫二人。 馭之最尊。音御。馭之最尊。○

是衛守之事，在此宜也。云馭之最尊者，以其御土路以祀，故云最尊，以是特尊，不與下同。名僕而謂之大馭也。若然，戎右在前，尚威武，此戎僕在前者，以其僕雖駕馭為難，仍非武事，故退戎僕於後，進大馭於前也。仍尊戎僕在齊僕之上而使中大夫為之，與戎右尊卑同也。

戎僕，中大夫二人。 馭言僕者，此亦侍御於車。言至。馭於車。○釋曰：上大僕已下言僕，並是侍御之官，稱僕今此馭車之人，亦言僕者，在車亦是侍御之類，故云亦侍御於車也。

齊僕，下大夫二人。 古者王將朝覲會同必齊，所以敬宗廟及神明。○朝直遙反。齊而敬神明者，按曲禮後朝覲皆同。齊而敬神明者，按曲禮

下註云春夏受贊於朝受享於廟秋冬一受之於廟是朝觀敬宗廟按觀禮及司儀會同之時設方明於壇上設六玉以禮方明之神定會同敬神明中車云金路建大旂以賓則金路主為賓路賓路則諸侯與王行朝觀會同之禮故鄭以朝觀會同以釋齊也

道僕上士十有二人 王朝朝莫夕主御主以與諸臣

行先王之道 朝朝上如字下 釋曰按上齊右見

直遙反莫音暮 下至齊僕皆二人唯戎右與道僕人數多者則戎右有所斬殺故左氏傳晉縛秦囚萊駒為右使萊駒斬之故人多也道僕所以特多者以朝夕在朝來往駕脫難而且煩故人最多也鄭云王朝朝莫夕主御者此釋人多之意云王以與諸臣行先王之道者此釋稱道之言也

田僕上士十有二人 田僕 釋曰人亦多者王有田時之田兼有園囿遊獵及取鮮

獸之等亦是事繁而難故亦特多也

馭夫中士二十人下士四十人 馭夫 釋曰按其職

車之等馭僕之類故亦在此馭夫總六十人按校人三乘為阜阜一趣馬三阜為繫繫一馭夫則馬三十六匹一馭夫計良二千一百六十四匹則六十馭夫又駕六麗一師六師一趣馬六趣馬一馭夫則一馭夫主四百三十二匹駕千二百九十六匹則馭夫三人并前六十三人與此不合者蓋此序官脫三人也

校人中大夫二人上士四人下士十有六人府四人史

八人胥八人徒八十人 校之為言校也主馬者必

仍校視之校人馬官之長 校戶教反字從木若從人多亂之註 校人至十人 釋曰在此者以馬共校之校人同 軍所用故其職云凡軍事物馬而頒

之故在此官特尊而多者以王馬多故也。○校之
至之長。○釋曰云校之為言校也者讀從曲禮與少
儀效馬效羊取效見義以其養官畜者必效見之故
鄭云主馬者必仍校視之仍者相仍有時數數程見
之也云校人馬官之長者與下趣馬
至圉人為長有事皆取長官法度

趣馬下士阜一人徒四人 趣馬趣養馬者也鄭司農

說以詩曰蹶維趣馬。○趣七口反劉清須反詩同阜

才早反趣養清須反又七口反

一音七句反 蹶居衛反 職云趣馬至趣馬。○釋曰在此者按其

云趣馬趣養馬者故在此也先鄭說以詩云蹶惟趣
馬者彼詩是刺幽王之詩其詩臣名蹶惟作趣馬之
官權寵之例引以
證趣馬是官名也

巫馬下士二人醫四人府一人史二人賈二人徒二十

人 巫馬知馬祖先牧馬社馬步之神者馬疾若有

犯焉則知之是以使與醫同職。○巫馬至十人。○釋

馬病故連類在此也。有賈者治馬死生須知馬價故
有賈人也。○醫巫馬至同職。○釋曰馬祖之等並
下文有人犯者與為祟巫則知之為之謝過必與醫
同職者巫言無祟則是時氣及損傷付醫治之故二
官同
職也

牧師下士四人胥四人徒四十人 主牧放馬而養之

○牧舊音目劉音茂沈音木 者按其職云掌牧地是放馬故與

校人連類在此也

廋人下士閑二人史二人徒二十人 廋之言數。○廋

所求

也

也

反數色主
反數之同
馬官連類
在此也
反數之言數
釋曰在此者按其職云
掌十有二閑之政阜馬佚特之等故與

圍師乘一人徒二人圉人良馬匹一人駑馬麗一人

養馬曰圍四馬為乘良善也麗耦也
○圍魚呂反乘
繩證反註同麗

如
○釋曰在此者以其掌養馬也
○釋曰在此者按其職云掌養

馬芻牧之事以役圉師亦
是為馬故亦連類在此也

職方氏中大夫四人下大夫八人中士十有六人府四

人史十有六人胥十有六人徒百有六十人

也主四方之職貢者職方氏主四方官之長

之長○釋曰在此者司馬主九畿職方制其貢事相
成故在此官尊而人多以其主天下人民貢賦之事
事繁故也云主四方官之長者與下諸言方者為長也

土方氏上士五人下士十人府二人史五人胥五人徒

五十人

曰在此者按其職云以土地相宅而建邦國都
鄙與職方連類在此也故主四方邦國之土地

懷方氏中士八人府四人史四人胥四人徒四十人

懷來也主來四方之民及其物

職云掌來遠方之民致方貢致方
貢致遠物故與職方連類在此也

合方氏中士八人府四人史四人胥四人徒四十人

云

合方氏主合同四方之事釋曰在此者按其職云掌達天下之道路通其財利同其數器故註云主合同四方之事故亦連類在此也

訓方氏中士四人府四人史四人胥四人徒四十人釋曰訓道至之民導下同

按其職云掌道四方之政事與其上下之志誦四方之傳道故註云教導四方之民故連類在此也

形方氏中士四人府四人史四人胥四人徒四十人釋曰形方至形體

職云掌制邦國之地域而正其封疆故註云主制四方邦國之形體故連類在此也

山師中士二人下士四人府二人史四人胥四人徒四

十人釋曰山師在此者按其職云掌山林之名辨其物與其利害而頒之于邦國使致其珍異之物按王制云名山大澤不以封故天子立山師以遙掌之使貢故與職方亦連類在此也

川師中士二人下士四人府二人史四人胥四人徒四

十人釋曰川師在此者按其職與山師同故亦連類在此

邊師中士四人下士八人府四人史八人胥八人徒八

十人釋曰邊地之廣平者

云掌四方之地名辨其丘陵墳衍原隰之名故連類在此也註云邊地之廣平者爾雅文也

匡人中士四人史四人徒八人釋曰匡正也主正諸侯以

法則釋曰匡人至八人法則匡邦國而觀其愚使無敢反側以聽王

命註云主正諸侯以法則故連類在此也

擇人中士四人史四人徒八人擇人主擇序王意以

語天下。擇他南反與。此者按其職云掌誦王志

道國之政事以巡天下之邦國而語之故註云主擇序王意以語天下故連類在此也

都司馬每都上士二人中士四人下士八人府二人史

八人胥八人徒八十人都王子弟所封及三公采

地也可馬主其軍賦。都司至十人。釋曰言每都

臣為司馬遙掌都內故其職云掌都之士庶子及其眾庶車馬兵甲之戒令聽於國司馬既是軍故在此也。都王至軍賦。釋曰鄭據何知都惟有王子弟所封及三公采地不通卿大夫者按司裘云諸侯

則共熊侯豹侯卿大夫則共麋侯卿不入諸侯之中故知義然云司馬主其軍賦者即司馬法云成出士十人徒二十人之等。並是都司馬所主也。

家司馬各使其臣以正於公司馬家卿大夫采地正

猶聽也。公司馬國司馬也。卿大夫之采地王不特置

司馬各自使其家臣為司馬主其地之軍賦往聽政

於王之司馬王之司馬其以王命來有事則曰國司

馬。家卿至司馬。釋曰云家卿大夫采地者按

謂卿之采地大都任疆地謂三公采地則卿入小都中今此經直言家而小都入家中不在上都中者司馬主軍事嚴凝為主須辨尊卑故依司裘卿與大夫不得稱諸侯者為家又不使王臣為之也若然王宗

人家宗人及都士家士皆使王臣為之者都家宗人
 有祖王之廟九皇六十四民上所當祭故使王臣為
 之都家之士以獄訟刑罪王政之重非王臣不決故
 亦使王臣為之但非嚴凝故卿入都耳云王之司馬
 其以王命來有事則曰國司馬者其職云以
 聽於國司馬對此從下向上則公公司馬

周禮註疏卷第二十九

漢鄭氏註

唐賈公彥疏

大司馬之職掌建邦國之九灋以佐王平邦國平成

也正也大司至邦國釋曰此九灋已下皆言邦

王平邦國者九灋以糾察諸侯使之成正故以平言

之也但此九灋據殷同之時建之故大行人云殷同

以施天下之政註云政謂邦國之九灋制畿封國以

則殷同之時司馬明布告之故云建也制畿至邦國

周禮疏

卷二十九

及古關

禮 儀謂諸侯及諸臣之儀辨別也別尊卑之位○別

反下禮 儀謂至之位○釋曰鄭知儀中有諸侯及

皆同禮 諸臣者以此經云等邦國按大行人云以九

儀辨諸侯之命等諸臣之爵鄭云九儀謂命者五公

侯伯子男也爵者四孤卿大夫士也知九儀中唯有

諸侯諸臣無天子之臣按大宗伯云以九儀之命正

邦國之位註云每命異儀則九儀之中謂一命以至

九命之儀其中有六命八命并九禮 進賢興功以作邦

命作伯兼有王臣則與此異也禮 興猶舉也作起也起其勸善樂業之心使不惰

廢禮 興猶舉也作起也起其勸善樂業之心使不惰

洛○樂業如字又音禮 進賢至邦國○釋曰進賢諸

有德行未遇爵命者進之使稱才任用興舉也臣有

功者舉之亦使任用禮 作起也以臣有賢有功舉之與

官則起邦國之內勸善樂禮 建牧立監以維邦國禮 牧

業之心使不惰廢善業也禮 建牧立監以維邦國禮 牧

州牧也監監一國謂君也維猶連結也禮 監古

至邦國○釋曰二百一十國以為州州有牧使維持

諸侯又一國立一監以監察一國上下相維故云以

維邦國也此則太宰云禮 制軍詰禁以糾邦國禮 詰猶

建其牧立其監亦一也禮 制軍詰禁以糾邦國禮 詰猶

窮治也糾猶正也禮 制軍至邦國○釋曰按

軍小國一軍也詰禁者按士師有五禁天子禮此諸

侯國亦當有五禁以相窮治相糾正故云以糾邦國

也禮 施貢分職以任邦國禮 職謂職稅也任猶事也事

以其力之所堪禮 施貢至邦國○釋曰施貢多少據

三之小國四之一皆由天子施之此大宰九貢并小

行人春令入貢皆是歲之常貢與大行人因朝而貢

者異也分職者即太宰所云九職是也彼據畿內此

據諸侯諸侯邦國亦由天子分之使民有職業因使

周禮疏 卷之二十九 禮記

稅之所稅者市之以克貢若然言貢據向天子而言云稅據民所為為說事相因皆所以任邦國故云以任邦國簡稽鄉民以用邦國簡謂比數之稽猶計也

○鄉許簡稽至邦國○釋曰註云簡謂比數之稽亮反○猶計也謂比數計會鄉民而用之故云以

用邦國均守平則以安邦國諸侯有土地者均之尊

者守大卑者守小則法也均守至邦國○釋曰言

等受地五百里已下是均守也平則者則法也謂五

等職貢之等皆有常法則邦國獲安故云以安邦國

比小事大以和邦國比猶親使大國親小國小國

事大國相合和也易比象曰先王以建萬國親諸侯

○此毗志諸侯自相為賓亦有五等諸侯之臣相

註

為國客按春秋有小國朝大國大國聘小國故鄭云使大國親小國釋經比小也云小國事大國釋經事大使相合和故云以和邦國也引易比象者其卦坤下坎上坤為土坎為水水得土而流土得水而柔是水土和合故象先王建萬國親諸侯謂法卦以九伐行事使諸侯相親引之者證比小事大之義

之灋正邦國諸侯有違王命則出兵以征伐之所

以正之也諸侯之于國如樹木之有根本是以言伐

云○伐如字諸侯至伐云○釋曰鄭云諸侯有

劉扶發反違王命則出兵以征伐之所以正之

也者此經與下文為口則下九者皆是違王命者也

若然按下文九者唯賦賢害民一者稱伐其餘八

者皆不言伐此經總言伐者侵滅二者亦是伐之例

其餘六者皆先以兵加其境服乃膏之墮之削之正

之殘之杜之故皆以伐言之云諸侯之於國如樹木

之有根本是以言伐云者按月令孟夏云無伐大樹

孔子云伐一木不以其時非孝子是樹木稱伐此九
伐施於邦國在於時會之時是以大行人云時會以
發四方之禁註云禁謂九
伐之法是當時會者也
馮弱犯寡則皆之
馮猶

乘陵也言不字小而侵侮之皆猶人皆瘦也王霸記

曰四面削其地馮皮水反音所
景反瘦所又反
○馮猶至其地

據以強陵弱云犯寡據以大侵小如此者皆瘦其地

使不得強大也引上霸記者其記王及霸事者云四

面削其地者對下文削之
賊賢害民則伐之
春秋

傳曰粗者曰侵精者曰伐又曰有鐘鼓曰伐則伐者

兵入其竟鳴鐘鼓以往所以聲其罪
○粗音麤本亦

○春秋至其罪
釋曰云賊賢者亂王所任同已
者如此則賊虐諫輔故云賊賢也云害民者以君

臣俱惡重賦多徭其民被害故曰害民如此者則聲
鐘鼓伐之也引春秋傳者按莊十年二月公侵宋公
羊傳曰猶者曰侵精者曰伐何休云猶麤也彼不言
麤此言麤者鄭讀傳與何休猶即麤義亦同也又曰
有鐘鼓曰伐者此莊二十九年夏鄭人侵許左氏傳
曰凡師有鐘鼓曰伐無口侵引此二者皆證侵輕伐
重之
義也
暴內陵外則壇之
內謂其國外謂諸侯壇讀

如同壇之壇王霸記曰置之空壇之地鄭司農云壇

讀從憚之以威之憚書亦或為壇玄謂置之空壇以

出其君更立其次賢者
○壇依註作憚音善憚之以

○暴內至壇之
釋曰暴內即上云賊賢害民是也

陵外即上云馮弱犯寡是也上二文各有其一故
伐之皆之不奪其位此則內外之惡兼有故壇之奪
其位立其次賢
○內謂至賢者
釋曰鄭云讀如

同墾之墾從金滕三壇同墾之墾取其除地曰墾謂置之空地先鄭讀從憚之以威之憚此罪既重而直憚之於義不可故後鄭還從王霸記為正鄭知立其次賢者以其古者不滅國故知更立次已下賢子弟

野荒民散則削之 野荒民散則削之○釋曰古者

明其不能有 音無 **野荒民散則削之** 野荒民散則削之○釋曰古者

民居必參相得無曠土無遊民今言野荒民散由君政惡民並適彼樂國故民散而野荒是其君不能有

故削 **負固不服則侵之** 負猶恃也固險可依以固

者也不服不事大也侵之者兵加其竟而已用兵淺

者詩曰密人不恭敢距大邦 負固不服則侵之○

服事大國則以兵侵之使弱其勢也 釋曰謂倚恃險固不

邦○釋曰云固險可依以固者也者謂若僖四年楚

屈完云楚國方城以為城漢水以為池雖君之眾無所用之是其負固不服也云不服不事大即上云此小事大是其服者也云用兵淺者對伐是用兵深者以其罪輕直侵之而已也詩云者大雅皇矣篇引之者證不 **賊殺其親則正之** 正之者執而治其罪王

霸記曰正殺之也春秋僖二十八年冬晉人執衛侯

歸之于京師坐殺其弟叔武 ○坐才 **武** ○正之至叔

云正之者執而治其罪者其正未必即是殺但賊殺

其親其罪尤重故以正為殺解之是以王霸記以正

為殺也引晉人執衛侯歸于京師京師據洛邑而言

也云坐殺其弟叔武者按彼傳晉侯伐衛衛侯出奔

侯殺弟遂訴衛侯於晉晉以衛侯有罪諸侯不相治
罪遂執衛侯歸于京師時使醫衍醜衛侯寧俞貨醫
衍薄其醜不死是坐 **放弑其君則殘之** 放逐也殘

殺也王霸記曰殘滅其為惡 **殺** 弑本又作 **殺** 放逐

雖不解弑其君則若慶父弑二君及崔杼弑君之類
是也鄭云殘殺者以殺解殘也經本不言殺不言滅

云殘者蓋取殘賊殺之殺之苦毒故尚書梓材云我
賊人宥註我殘也又云無胥戕無胥虐註云無相殘

賊無相暴虐是我為殘賊也異義鄭君以為左氏宣
十八年秋七月云邾人戕鄆子于鄆傳曰凡自內虐

其君曰弑自外曰戕即邾人戕鄆子是也自內弑其
君曰弑若加虐殺之乃謂之戕之取殘賊之意也若

自上殺下及兩下自相殺之等皆曰殺若然此經若
殘者是加虐殺之雖非他國君至於賊臣亦云殘也

犯令陵政則杜之 令猶命也王霸記曰犯令者違

命也陵政者輕政灑不循也杜之者杜塞使不得與

鄰國交通 **杜** 令猶至交通 釋曰鄭訓令為命者

但犯命陵政是不受上命不通之 **外內亂鳥獸行則**

滅之 王霸記曰悖人倫外內無以異于禽獸不可

親百姓則誅滅去之也曲禮曰夫唯禽獸無禮故父

子聚麀 **反** 行下孟反悖心內反去起呂 **聚麀** 王霸至

曰外亂謂若齊襄公淫於外魯桓夫人文姜之等是

也內亂謂家內若衛宣公上烝父妾下納子妻之等
是也引曲禮者鹿之父子聚麀獸之亂不言鳥之亂
義可知故略而不言也按春秋公羊左氏說凡征戰

有六等謂侵戰伐圍入滅用兵麤狇不聲鐘鼓入境而巳謂之侵侵而不服則戰之謂兩陳交刃戰而不服則伐之謂用兵精而聲鐘鼓伐而不服則圍之謂而其四郭圍而不服則入之謂入其四郭取人民不有其地入而不服則滅之謂取其君此皆舉重而言假令先入後滅書入舉重已外盡然正月之吉始和布政于邦國都鄙乃縣政象之灋于象魏使萬民觀政象挾日而斂之

以正月朔日布王政於天下至正歲又縣政灋之書挾日十日也
○縣音玄
史反挾
正月至斂之
○釋曰正月謂周正建子之子協反
月之吉謂朔日始和凡政有故言始和者若改造云耳布政于邦國都鄙者謂上九灋九伐并下凡令以下皆此時布之邦國據畿外都鄙據畿內不言鄉遂及公邑布政可知此則徧天下也云乃縣已下亦謂正歲乃縣之一與大宰同不復具釋也

九籍疏屬下讀然注意恐當以九字屬上

乃以九畿之籍施邦國之政職方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方五百里曰蕃畿

畿猶限也自王城以外五千里為界有分限者九籍其禮差之書也政職所共王政之職謂賦稅也故書畿為近鄭司農云近當言畿春秋傳曰天子一畿列國一同詩殷頌曰邦畿千里維

民所止。○分符問反。共音恭。凡
 者謂以面五千里為九畿，皆有典籍之書。今大司馬
 以此籍書施其政職之事於邦國諸侯也。云方千里
 曰國畿者，此據王畿內千里而言。非九畿之畿，但九
 畿以此國畿為本，向外每五百里加為一畿也。云侯
 者，侯也。為天子甸侯，非常也。云甸者，為天子治田以
 出賦貢。云男者，任也。任王者之職事。云采者，采取美
 物以共天子。云衛者，為天子衛守。云蠻者，縻也。以近
 夷狄縻繫之，以政教自此以上六服是中國之九州。
 自此已外是夷狄之諸侯。此蠻服出大司徒云要服
 亦一也。言要者，亦見要。要，以文教也。云夷者，以夷狄
 而得夷稱也。云鎮者，蓋中國稍遠，理須鎮守。云蕃者
 以其最遠，故得蕃屏之稱。此三服總號蕃服，故大行
 人云九州之外謂之蕃國。世一見指此三服也。此云
 者，衛服之內各舉一邊而言。其實通稱唯蠻服以外
 直據彼為號，不通中國之言也。○畿猶至所止。
 釋曰：云王城以外五千里為界者，兩面相距則方為

里。此則易之一君二民之地。若然，堯舜之時，固應萬
 里而五服，面二千五百里，兩面相距止有五千里。無
 萬里者，此據未治洪水時服各五百里。至禹治洪水
 之後，溺成五服，服加五百，則亦萬里。若孔君義則不
 然。若據鳥飛直路，此周之九服亦止五千。若隨山川
 屈曲，則禹貢亦萬里。彼此不異也。云九籍其禮差之
 書也者，諸侯賦貢多少有常，則大國貢半，次國三之
 一，小國四之一。是其禮差也。云政職所共，王政之職
 謂賦稅也者，按大宰云：以九職任萬民。據畿內此九
 職亦施與邦國。則此政職也。但施職事與之，使萬民
 勤職而出賦稅，諸侯得之以半，與三之一。四之一。市
 取土毛以貢之，則禹貢篚貢是也。據民而出謂之賦。
 稅據諸侯所送謂之貢也。引春秋傳者，按襄二十五年
 鄭子產對晉云：昔天子之地一圻，列國一同。今大
 國多，數圻矣。若無侵小，何以至焉。殷頌邦畿千里，大
 是殷頌玄鳥詩之言。引此二者證王畿千里之義。凡

令賦以地與民制之。上地食者參之二，其民可用者

家三人中地食者半其民可用者二家五人下地食者參之一其民可用者家二人

註

賦給軍用者也令

邦國之賦亦以地之美惡民之衆寡爲制如六遂矣

鄭司農云上地謂肥美田也食者參之二假令一家

有三頃歲種二頃休其一頃下地食者參之一田薄

惡者所休多

○令力

註

凡令至二人○釋曰此文承

據邦國諸侯而說也此經有三等之地按小司徒註云有夫有婦然後爲家自二人以至十人爲九等七六五者爲其中則地有上中下各分爲三等九等則十口食上上九口食上中八口食上下七人食中上六人食中中五人食中下四人食上下三人食中中二人食下下又按遂人上地夫一廛田百畷萊五

十畷中地家二百畷下地家三百畷與此上地食者參之二合故鄭云邦國如六遂矣若然則上地是上下之地應家八人一人爲家長可任者當云家七人今云家三人者經欲互舉以明義故以中地之上地七人見出上地之下八人者明亦有上地之中上地之上又言下地食者參之一其民可用者家二人地即據下地之下人即據中地之下家五人者亦是互舉以明義故地舉其下人舉其中欲見亦有下內三等其地及人也先鄭云食者參之二假令一家有三頃歲種二頃休其一頃者舉上地只應云一頃五十畷而云三頃者直取參之二

中春教振旅司馬以旗

致民平列陳如戰之陳

註以旗者立旗期民於其下

也兵者守國之備孔子曰以不教民戰是謂棄之兵者凶事不可空設因蒐狩而習之凡師出曰治兵入

曰振旅皆習戰也四時各教民以其一焉春習振旅

兵入收衆專於農平猶正也○中音仲下放此陳直

狗陳行陳巡陳皆同餘○釋曰鄭

下也者謂大司馬素有田獵之期日今至期日立熊

虎之旗於期處以集衆故云期民於其下云兵者守

國之備者鄭欲解田獵者所以習兵故云兵是守國

之備引孔子語欲見須田獵以教戰云兵者凶事者

隱公傳文云不可空設因蒐狩而習之者蒐狩是田

獵之名欲行蒐狩先芟草萊教戰訖乃入防田獵故

云因蒐狩而習之是以書傳文戰鬪不可空習故於

蒐狩以閑之閑之者習之是其習兵因蒐狩也云凡

師出曰治兵入曰振旅皆習戰者按莊公八年正月

師次於郎甲午祠兵公羊傳曰祠兵者何出曰祠兵

註云禮兵不徒使故將出兵必祠於近郊陳兵習戰

殺牲饗士卒又曰入曰振旅其禮一也皆習戰也左

氏說治兵於廟禮也註云三年而治兵與秋同名兵

革將出故曰治兵穀梁傳亦云出曰治兵習戰也入

曰振旅習戰也鄭玄於異義駁不從公羊云祠兵故

云祠兵者公羊字之誤因而作說之亦不從左氏說

治兵爲授兵於廟云於周司馬職曰仲夏教芟舍仲

秋教治兵其下皆云如戰之陳仲冬教大閱脩戰法

虞人萊所田之野乃爲之如是治兵之屬皆習戰非

授兵於廟又無祠五兵之禮是以爾雅釋發云出爲

治兵尚威武也入爲振旅反尊卑也言反尊卑者出

則壯者在前老弱在後入則壯者在後老弱在前是

以鄭此云振旅兵入收衆專於農也云四時各教民

闡是各教辨鼓鐸鑼鏡之用王執路鼓諸侯執賁鼓

軍將執晉鼓師帥執提旅帥執鼙卒長執鏡兩司馬

執鐸公司馬執鑼○鼓人職曰以路鼓鼓鬼享以賁

鼓鼓軍事以晉鼓鼓金奏以金鏡止鼓以金鐸通鼓以金錡節鼓鄭司農云辨鼓鐸錡錡之用謂錡鐸之屬錡讀如濁其源之濁鏡讀如謹曉之曉提讀如攝提之提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也玄謂王不執賁鼓尚之於諸侯也伍長謂之公司馬者

雖卑同其號○辨如字劉方免反鐸直各反錡直角反鏡女交反賁扶云反將軍如字木或作軍將提徒今反鞞薄今反鉦音征謹火官反至執錡○釋曰此春夏秋三時各敘其一必春辨鼓鐸者鼓雷之類象仲春雷發聲於外言辨鼓鐸錡錡

謹

之用者此句與下文為總目也○鼓人至其號○釋曰鄭引鼓人職者欲見鼓人有六鼓四金據本各依所用今此所用或不依本者以其唯賁鼓鼓軍事是依本王執路鼓軍將執晉鼓等並不依本用而在軍兼用也先鄭云辨鼓鐸錡錡之用謂鉦鐸之屬者按司馬遷云十人之長執鉦百人之師執鐸千人之師執鞞萬人之主執大鼓義與此同故引之為證也云錡讀如濁其源之濁者此讀取音同之義濁其源者淮南子云濁其源其流不清故讀從之云鏡讀如謹曉之曉者從毛詩云以謹謹曉云提讀如攝提之提者從爾雅云寅為攝提格取音同而已云提謂馬上鼓者此先鄭蓋據當時已有單騎率以況周其實周時皆乘車無輕騎灑也後鄭云王不執賁鼓尚之於諸侯也者按鼓人職賁鼓鼓軍事計王在軍自為元帥自合執賁鼓今不執賁鼓者見諸侯因朝而來與王為賓客故讓之使執賁鼓故云尚之於諸侯王既不用賁鼓而用路鼓者以其雷鼓靈鼓祭天地之鼓不敢用故用祭宗廟之路鼓也軍將用晉鼓者

是鼓金奏與諸相應故也。不用鞀鼓者，鼓役事之鼓，故不用云。伍長謂之公司馬者，雖卑同其號者，按諸官大夫乃與大官同號，宰夫已下并上士中士下士皆不得與大官同號，今於序官大司馬之下，上士得號行司馬及在軍二十五人長中士號兩司馬，五人長下士號公司馬，皆與大官同號者，以司馬主軍軍事主嚴，雖卑以敎坐作進退疾徐疏數之節。習戰得同號也。

灋 ○疏數音朔。以敎至之節。○釋曰：按大閱禮，中軍以與令鼓鼓人皆三鼓已下，有此坐作進退疾徐疏數之節，彼大閱具言於此，略說有此坐作之法，此於敎戰之處為之。故鄭云：習戰法也。

遂以蒐田有司表貉誓民鼓遂

圍禁火弊獻禽以祭社 春田為蒐，有司大司徒也。掌大田役治徒庶之政令，表貉立表而貉祭也。誓民

誓以犯田灋之罰也。誓曰：無干車，無自後射，立旌遂圍禁，旌弊爭禽而不審者，罰以假馬。禁者，虞衡守禽之厲禁也。既誓，令鼓而圍之，遂蒐田，火弊火止也。春田主用火，因焚萊除陳草，皆殺而火止，獻猶致也。屬也。田止，虞人植旌，眾皆獻其所獲禽馬。詩云：言私其縱，獻肩于公。春田主祭社者，土方施生也。鄭司農云：貉讀為禡，禡謂師祭也。書亦或為禡。○貉莫駕反。反劉薄計反，射食亦反。下王射同。縱子工。○遂以至。反肩，詩作狎，音同。施式豉反。禡莫駕反。○祭社。○釋曰：按大閱禮，遂以狩田以下，云以旌為左右和之門，羣吏各帥其車徒，以敎和出，左右陳車徒，有司

平之既陳乃設驅逆之車有司表貉于陳前此亦當如彼但春非大備故亦略言也言誓民者即下大閱禮羣吏聽誓於陣前鄭引月令司徒北面誓之是也云鼓者即下文申軍以鞀令鼓鼓人皆三鼓已下是也云遂圍禁者既誓令鼓而圍之云火弊者謂田止也云獻禽以祭社者此因田獵而祭非月令仲春祭社也○春田至為禱○釋曰云春田為蒐者蒐搜也春時鳥獸字乳搜擇取不孕任者故以蒐為名云有司大司徒也者即大司徒職云大田役治其徒庶之政令故知有司是大司徒也云表貉立表而貉祭也者此即詩及爾雅云類也禡也師祭是也云誓民誓以犯田法之罰也者當司徒北面誓之時小子斬牲以左右巡陳也云誓曰無干車無自後射者此據漢田律而言無干車謂無干犯他車無自後射象戰陳不逐奔走又一解云前人已射中禽後人不得復射彼又云無面傷之等象降者不逆擊之云立旌遂圍禁者旌則下文大閱禮云旗居卒間者是也云旌弊者弊什也田止旌則什云爭禽而不審者罰以假

馬者謂獲禽所算之籌罰者謂效功時爭禽不審即罰去其籌云禁者虞衡守禽之厲禁也者按山虞皆云使地之民守其厲禁謂遮厲之禁不得非時入也若然按地官川衡小田獵之所無厲禁之事言衡者川林或有與山澤連者則亦有厲禁之事故連言之也

中夏教芟舍如振旅之

陳群吏撰車徒讀書契辨號名之用帥以門名縣鄙

各以其名家以號名鄉以州名野以邑名百官各象

其事以辨軍之夜事其他皆如振旅

芟讀如萊沛

之沛芟舍草止之也軍有草止之灋撰讀曰算算車

徒謂數擇之也讀書契以簿書校錄軍實之凡要號

名者微識所以相別也鄉遂之屬謂之名家之屬謂

之號百官之屬謂之事在國以表朝位在軍又象其制而為之被之以備死事帥謂軍將及師帥旅帥至伍長也以門名者所被徽識如其在門所樹者也凡此言以也象也皆謂其制同耳軍將皆命卿古者軍將蓋為營治於國門魯有東門襄仲宋有桐門右師皆上卿為軍將者也縣鄙謂縣正鄙師至鄰長也家謂食采地者之臣也鄉以州名亦謂州長至此長也野謂公邑大夫百官以其職從王者此六者皆書其官與名氏焉門則襄仲右師明矣鄉則南鄉魏東鄉

貝貝

為人是也其他象此云某某之名某某之號某某之事而已未盡聞也鄉遂大夫文錯不見以其素信于民不為軍將或為諸帥是以闕焉夜事戒夜守之事草止者慎於夜於是主別其部職○茆蒲未反撰息轉反又什轉反註音算息緩反沛步未反一音具又音具反數色主反簿步古反後簿書皆放此識音志一音試下同朝位直遙反被皮偽反下同治直吏反釋曰如振旅之比毗志反魏直偽反見賢遍反釋曰如振旅之陳者四時各教其一故春教振旅夏教芟舍但設經不可文文具設故云如振旅之陳皆轉相如也云羣吏撰車徒者羣吏謂軍將至伍長各有部分皆選擇其在車甲士三人步徒七十二人之等云讀書契者書契謂兵士簿書之要契此小宰之八成云師田以簡譜一也云辨號名者此帥以門名已下是也○註

同禮疏

卷之二十九十四

及右闕

芟讀至部職。釋曰：芟讀如萊。沛之沛者，按王制云：居民山川沮澤。註云：沮謂萊沛。時俗有水草謂之萊。沛故讀從之也。云：芟舍草止之法。云：數擇之也者，以草釋芟以止。釋舍故即云：軍有草止之法。云：數擇之也者，以解撰為數。擇取其善者。云：軍實之凡要者，凡軍有三種，或以俘囚為軍實，或以戈盾弓矢為軍實，或以禽牲為軍實。今此所云軍實者，據兵器為軍實。凡要即名籍之總名也。云：號名者，徽識者，即上註三者旌旗之細者也。云：所以相別也者，皆綴之於膊上，以別死者也。云：鄉遂之屬謂之名者，言之屬，即經云：縣鄙是遂之屬。從縣鄙至鄉里，州是鄉之屬，從州至此長，故言之屬以總之。云：家之屬謂之號者，謂都家之內，從大夫至士，云：百官之屬謂之事者，從王朝六卿已下至下士，野以邑名，鄭雖不言，亦在鄉遂之例，以其同是溝洫之人，出軍出貢又等，故知亦入各中也。其號也，云：事也。三者據經而言，云：在國以表朝位者，即觀禮也。云：介各奉其君之旂，置于宮者，是也。云：凡此言以也，象也，皆謂其制同耳。首以謂若經云：帥以門名已。

鄉 宋

下至野以邑名已上五者皆言以也。惟百官云象是以也象也。此六者以象雖異其制則同。皆小旂旗也。云：軍將皆命卿者，欲解帥以門名之意。止由卿居於國門，使為軍將，故軍將得以門為名。云：古者軍將蓋為營治於國門者，此解軍將得以門為名者，只由非常之急要在於門，故使卿在門住而營治其門，故也。云：魯有東門襄仲者，按昭三十二年左傳云：魯文公薨而東門遂殺適立庶魯君，於是乎大國公子遂字襄仲，號為東門，只由居東門，宋有桐門右師者，按春秋左氏傳：昭二十五年春，叔孫婁聘於宋，桐門右師見之。註云：右師，宋師樂大心也。其室居桐門，故曰桐門。右師是宋有桐門右師也。引之證將帥得以門名之事，經直云：縣鄙鄭知鄰長者，以其在軍之時，從遂大夫已下至鄰長皆在。今略言縣鄙明皆有也。云：家謂食采地者之臣也者，食采地是公卿大夫，其身在家朝，其臣在采地。若公山弗擾之類，今隨主在軍，故以家號為名也。鄉以州名亦謂州長至此長者，亦如六遂自卿大夫已下至此長皆在。今略舉州為首也。云：

野謂公邑大夫者謂為四等公邑若載師職公邑自
甸以出至五百里其長二百里三百里如州長四百
里五百里如縣正長下皆有屬官在軍者皆以其職
名云百官以其職從王者謂三百六十官各以其職
事從王在軍若大宰下六十官隨其長從王皆以事
為號也云此六者皆書其官與名氏焉者六者謂經
五以一象假令為官則云大司徒下某官姓名某也
云門則襄仲右師明矣者經直云帥以門名恐直以
門為名不加官與名字諸官皆須名氏明門亦有官
與氏名故云明矣云鄉則南鄉甌東鄉為人是也者
甌與為人名皆當時鄉名故舉以為況云其他象此者
此鄭略舉門名與鄉名其他仍有縣鄙與家野百官
亦依此而稱焉云某某之名者即經云門縣鄙鄉野
西者皆是某某之名謂若門名當云桐門右師之下
某官某姓某甲之名三者皆放此云某某之號者即
經云家以號名是也謂若魯之費邑即云費邑之下
某官某姓某甲之號云某某之事者即經云百官各
象其事謂若地官之下則云大司徒之下某官某姓

某甲之事云未盡聞也者鄉來所釋六者略闕帥以
門名鄉以州名舉以為況其餘未聞故云未盡聞也
云鄉遂大夫文錯不見者此經六遂直云縣鄙不言
遂六鄉言以州名雖見鄉亦不見鄉大夫之身其文
交錯不見鄉遂大夫故云文錯不見也云以其素信
於民者兵書孫子云素信者與眾相得是也舊素與
民相信者必情義相得故鄉遂之官還使為軍吏云
不為軍將或為諸帥是以闕焉昔管子云因內政寄
軍令則鄉遂大夫已下至此長鄰長皆因為軍吏以
領本民在上或別使人為軍將則鄉遂大夫別領人
為帥帥旅帥以下經在軍吏帥以門名之內故闕鄉
遂大夫也必知有別使人為軍將法者見外傳穆叔
云天子作師公帥之以征不德詩曰周公東征四國
是遑此並上公為軍將詩云韎韐有奭以作六師此
乃諸侯世子為軍將田獵亦容如此於是時鄉遂大
夫則為諸帥也若然按下文云師都載旌鄉遂載物
註云鄉遂大夫或載旌或載物眾屬軍吏無所將也
者謂鄉遂大夫全無武用則諸帥亦不為則是眾屬

他軍吏已身全無所將故或載旛或載物不載旗義與此不違也云於是主別其部職者釋經以辨軍之職不與外交雜也

遂以苗田如蒐之澮車弊獻禽

以享祈 夏田為苗擇取不孕任者若治苗去不秀實者云車弊驅獸之車止也夏田主用車示所取物

希皆殺而車止王制曰天子殺則下大綏諸侯殺則下小綏大夫殺則止佐車佐車止則百姓田獵祈宗廟之夏祭也冬夏田主于祭宗廟者陰陽始起象神之在內

○祈餘若反孕羊證反去

遂以至享祈

○起呂反綏而誰反下同

釋曰在欲戰之處辨號若既訖遂入防行苗田之法云如蒐之法者如上蒐時有司表貉警民令鼓遂圍禁之等云車弊

及以享祈二者則與春異以其春時火弊祭社此時車弊享祈也

○夏田至在內

○釋曰以其春夏為陽主其生長故春田為蒐搜取不孕任者夏田為苗若治苗去不秀實者其義但春時主孕乳故以不孕任解之也云車弊驅獸之車止也者夏田主用車示所取物希者春秋左氏傳云彼徒我車懼其侵軼我

也是車行遲取獸少故知用車示取物希也引王制曰天子殺則下大綏已下據殺訖而言毛詩傳云天

子發抗大綏諸侯發抗小綏者據始殺而言也云大夫殺則止佐車王制註佐車驅逆之車按田僕云掌

佐車之設驅逆之車佐車似與驅逆之車別者但王制佐車與田僕驅逆之車為一其田僕佐車自是田

車之貳曰佐佐文雖同其義則異也若然驅逆之車言佐者能逐禽故以佐言之云祈宗廟之夏祭也者

人宗伯文云冬夏田主於祭宗廟陰陽始報象神之在內者仲冬一陽生仲夏一陰生是陰陽在內故神象之而行祭也此祭因田獵

中秋教治兵如振旅之

獻禽為祭若正祭自在孟凡

陳

陳 兵入曰振旅。春秋至之陳。釋曰：言教治兵者，凡兵出曰治。

為名，秋嚴尚威，故也。云如振旅之陳者，如辨旗物之。

用王載大常，諸侯載旂，軍吏載旗，師都載旛，鄉遂載

物，郊野載旒，百官載旗，各書其事，與其號焉。其他皆

如振旅。軍吏，諸軍帥也。師都，遂大夫也。鄉遂，鄉大

夫也。或載旛，或載物，眾屬軍吏，無所將也。郊，謂鄉遂

之州長縣正以下也。野，謂公邑大夫。載旒者，以其將

羨卒也。百官，卿大夫也。載旗者，以其屬衛王也。凡旌

旗，有軍旅者，畫異物，無者，帛而已。書當為畫事也。號

气

坐

鄉

也。皆畫以雲氣。書音畫出註。辨旗至振旅。釋

軍之旗則如秋。此經是在軍旌旗也。云各書其事

與其號焉者，此二者，即是仲夏百官各象其事及號

名之等。此秋雖不具辨號名，亦畧舉之。見四時皆有

此物也。云其他皆如振旅者，亦謂進作進退疾徐之

法如振旅之陳也。軍吏至雲氣。釋曰：云軍吏

諸軍帥也者，亦謂從軍將至下伍長皆是軍吏也。云

師都遂大夫也。鄉遂，鄉大夫也。按司常云：孤卿建

旛，大夫士建物，則鄉大夫是卿，建旛是其常。師都建

旛，不嫌無卿大夫。故鄭直舉遂大夫也。云鄉遂鄉大

夫者，以其遂大夫是中大夫，建物是其常。今鄉遂建

物，不嫌無遂大夫。故鄭直舉鄉大夫也。云或載旛，或

載物，眾屬軍吏，無所將也者，鄉遂大夫若為軍將，則

在軍吏載旛，軍中領眾來時亦載旛。今載旛載物，不

載旛，故知已之所管之眾，屬他軍吏已無所將。以其

已無武用，非直不為軍將，亦不為諸帥，故全無所將。

以是載旛載物而已。若然，既不為軍吏，遂大夫上得

與卿同載旌。鄉大夫則是卿，下得與大夫同載物也。以鄉遂大夫掌眾同，故同載物也。俱兩載者，以其不為軍將，又不任鄉職。卿大夫尊卑之常，當載旌載物而已。故容其兩載也。云鄉謂鄉遂之州長縣正以下也者，郊內有六鄉，州長已下，郊外有六遂，縣正已下，故知言郊有此二等人也。云野謂公邑大夫者，按載師職云：公邑之田，任甸地，郊外曰甸，甸則郊外曰野，故以野言之。但公邑自甸以出，至疆五百里，有四等公邑，皆有大夫治之，故司馬法云：二百里如州長，四百里五百里如縣，正是公邑大夫也。云載旌者，以其將姜卒也者，以其六鄉之內，上劑致民，一家一人為正卒，其餘皆為姜卒，六遂之內，下劑致民，一家一人為正卒，一人為姜卒，其餘為餘夫，正卒既屬軍吏，其餘姜卒使此州長已下等，不為軍吏者，領之，但公邑之內，雖不見有出軍之法，若出軍亦當與鄉遂同，以其得為溝洫法，故也。若出軍亦正卒使大夫等為軍吏，其餘姜卒亦使不為軍吏者領之。云百官卿大夫也，載旌者以其屬衛王也者，以其天地四時之卿大夫。

其屬各六十，有選當行衛守王者，即是有象，故載鳥隼之旗。云凡旌旗有軍旅者，畫異物者，即經天子諸侯軍吏郊野百官是也。云無者帛而已者，鄉遂載旌物是也。云書當為畫事也。號也，皆畫以雲氣者，事即上百官言事，號即上家言號，不言名，此亦有名。文畧耳。云畫以雲氣者，鄭解經典言畫者，皆以雲解之，謂畫五色。遂以獮田，如蒐田之灋。羅弊，致禽，以祀祈。

秋田為獮，獮殺也。羅弊，罔止也。秋田主用罔，中殺者多也。皆殺而罔止，祈當為方聲之誤也。秋田主祭四方，報成萬物。詩曰：以社以方。

○獮，息淺反。祈，音方。出註：皆殺如字。劉色，界反。

遂以至祀祈。○釋曰：上文敎載旌，旌物訖，遂入防。行獮田之禮，其法如蒐田之法。云羅弊致禽，以祀祈者，秋田主用羅，羅止田畢，入國過郊之神位，乃致禽以祀四方之神。○秋田至以方。○釋曰：云祈當

為方聲之誤也者以祊乃是廟門之外內惟因祭宗廟及明日釋祭乃為祊祭今既因秋田而祭當是祭四方之神故云誤也云秋田主祭四方報成萬物者以秋物成四方神之功故報祭之云詩曰以社以方者詩大雅引之證

方是四方之神也。中冬教大閱。春辨鼓鐸夏辨號名秋辨旗物至冬大閱簡軍實凡頒旗物以出軍之旗則如秋以尊卑之常則如冬司常佐司馬時也大

閱備軍禮而旌旗不如出軍之時空辟實。辟音悅

中冬教大閱。釋曰以冬時農隙故大簡閱軍實之凡要也。春辨至辟實。釋曰云春辨鼓鐸已下欲見春夏秋各教其一至冬大閱之時總教之故云至冬大閱軍實云凡頒旗物以出軍之旗則如秋以尊卑之常則如冬司常佐司馬時也者以其王與諸侯所建秋冬同又秋云軍吏建旗師都載旌鄉

逆載物郊野載旒百官載旗不言旌旌二者以其是出軍之法故不言道車游車所載大閱之時見尊卑之常故司常云孤卿建旌大夫士建物師都建旗州里建旗縣鄙建旒道車載旌游車載旌此為異也鄭云大閱備軍禮而旌旗不如出軍之時空辟實者大閱雖備禮是教戰非實出軍法是其空也秋教治兵治兵是出軍法故寄出軍之旗於彼是冬之空辟實出軍法者也趙商問中車職建大麾以田註田四時田獵商按大司馬職四時皆建大常何鄭答曰麾夏之正色田雖習戰春夏尚生其時宜入兵夏本不以兵得天下故建其正色以春夏田至秋冬出兵之時乃建大常趙商又問巾車職曰建大白以即戎註云謂兵車司馬職仲秋辨其物以治兵王建大常註凡頒物以出軍之旗則如秋不知大白以即戎為何時答曰白者殷之正色玉即戎者或命將或勞師前期不自親將故建先王之正色異於親自將也

群吏戒衆庶脩戰灋。群吏鄉師以下。師以下。

禮記

卷二十九

禮記

釋曰言前期者謂若大宰職云前期十日此亦在教戰前不必要十日前也知群吏鄉師以下者見鄉師職云凡四時之田前期出田法于州里簡其鼓鐸旗物兵器脩其卒伍是其事也言鄉師以下則不及鄉師是鄉大夫則卿也則可及州長故州長職云若國作民而師田行役之事則帥而致之掌其戒令與其實罰黨正云凡作民而師田行役則以其法治其政事族師亦云若作民而師田行役則合其卒伍簡其兵器以鼓鐸旗物帥而虞人萊所田之野為表百步至是其以下之事也

則一為三表又五十步為一表田之曰司馬建旗于後表之中群吏以旗物鼓鐸鑼各帥其民而致質明弊旗誅後至者乃陳車徒如戰之陳皆坐鄭司農云虞人萊所田之野芟除其草萊令車得驅馳詩

曰田卒污萊玄謂萊芟除可陳之處後表之中五十步表之中央表所以識正行列也四表積二百五十步左右之廣當容三軍步數未聞致致之司馬質正也弊什也皆坐當聽誓○芟所銜反令力呈反下令走同卒子律反汚音烏行戶

剛反下行列行
陳皆同什音赴
在澤澤虞若田在山山虞謂使其地之民於可陳之處芟除草萊故云萊所田之野云為表百步則一為三表者按下註引月令司徒北面以誓之此經云司馬建旗於後表之中車徒皆坐則此於可陳之中從南頭立表以北頭為後表也
鄭司至聽誓
釋曰先鄭云虞人萊所田之野芟除其草萊令車得驅馳者謂芟除其田獵之處故云令車得驅馳引詩者證田處草萊按王制云昆蟲未蟄不以火田則仲冬之時放火田獵何須芟除草萊是

司農疏

卷二十九

禮記

以車攻詩毛傳云大艾草以為防然後焚而射焉是田處不得芟草萊故後鄭易之以為芟除可陳之處云後表之中五十步表之中央者謂從南表至北表云表所以識正行列也者於可陳之中央立此四表表兩相各有三軍之衆至表則間一而坐坐而更起是表正行列也云積二百五十步者以三表之間有二百步又加一表五十步故總為二百五十步也云左右之廣當容三軍者天子六軍左右之地各容三軍此鄭據天子六軍整數而言其實兼羨卒之等故小司徒職云凡起徒役無過家一人惟田與追胥竭作鄭云國人盡行是非止六鄉之民六軍而已云步數未聞者但先南北二百五十步東西不言步數故云未聞也云皆坐當聽誓者下文群吏聽誓于陳前即云聽誓於陳前故先當聽誓也

群吏聽誓于陳前
斬牲以左右徇陳曰不用命者斬之
 群吏諸軍帥也陳前南面鄉表也月令季秋天子教于田獵以習

象疑

五戎司徒搢扑北面以誓之此大閱禮實正歲之中冬而說季秋之政於周為中冬為月令者失之矣斬牲者小子也凡誓之大略甘誓湯誓之屬是也

○鄉反搢劉如字又音箭一音初洽群吏至斬之○釋反扑普卜反甘如字劉胡甘反群吏聽誓於陳前者士卒皆於後表北面坐群吏諸軍帥皆在士卒前南面立以聽誓云斬牲以左右徇陳者從表左右向外以徇陳○群吏至是也○釋曰云群吏諸軍帥者從軍將以至伍長謂象軍吏建旗者也引月令者證所誓者是司徒使司徒誓者此軍吏及士本是大鄉之民今雖屬司馬猶是已之民衆故使司徒誓之也云此大閱禮實正歲之中冬者周雖建子為正及其行事皆用夏之正歲則此經中夏中春中秋中冬皆據夏法也云而說季秋之政於周為中冬為月令者失之矣呂不韋作月令者以為此經中冬為

失

止

周之中冬當夏之季秋故說於季秋是失之矣按月
 令季秋云是月也天子乃教於田獵以習五戎班馬
 政云云註引中秋教治兵法王載大常已下為證不
 云失至此乃以月令是冬冬教大閱法而言為月令
 者先鄭君兩解之以其彼云司徒誓眾與此誓眾之
 等同故為大閱彼為治兵法者以彼文授車以等級
 乃命主祠祭于四方又與中秋治兵者同故彼為治
 兵法也云斬牲者小子職云凡師田斬牲以左右徇
 陳是也云凡誓之大略甘誓湯誓之屬是也者甘誓
 是啓與有扈戰湯誓是湯伐桀誓眾辭言之屬者仍
 有大誓費誓之
 等故云之屬 **中軍以鼙令鼓鼓人皆三鼓司馬振**
鐸群吏作旗車徒皆作鼓行鳴鐃車徒皆行及表乃
正三鼓攬鐸群吏弊旗車徒皆坐 **中軍中軍之將**
 也天子六軍三三而居一偏群吏既聽誓各復其部

曲中軍之將令鼓鼓以作其士眾之氣也鼓人者中
 軍之將師帥旅帥也司馬兩司馬也振鐸以作眾作
 起也既起鼓人擊鼓以行之伍長鳴鐃以節之伍長
 一曰公司馬及表自後表前至第二表也三鼓者鼓
 人也鄭司農云攬讀如弄玄謂如涿鹿之鹿掩上振
 之為攬攬者止行息氣也司馬法曰鼓聲不過聞鼙
 聲不過闐鐸聲不過琅 **中軍至皆坐** **釋曰此經總**
 闐吐剛反闐吐獵反 **說聽誓既已將欲向南第二**
 劉湯答反琅音郎 **表象戰陳初發面敵此即仲春振旅疾徐坐作之事**
 一也 **中軍至過琅** **釋曰中軍中軍之將也者**
 周禮疏 卷二十九 二十三 及古聞

此六軍三軍居一偏皆自有中軍也是以鄭云天子
六軍三三而居一偏也言三三者非謂如筭法云三
三而九者直是兩箇三爲三而復三而已也云群吏
既聽誓命各復其部曲者軍吏本各主其部分曲別
謂若伍長主五人兩司馬主二十五人卒長主百人
之等皆是部曲至於誓之時出向衆前聽誓訖各復
其部伍本處故云復其部曲也云中軍之將令鼓者
經云中軍以鼙令鼓故知中是中軍之將也云鼓以
作其士衆之氣者春秋左氏曹劌云一鼓作氣再而
衰三而竭是鼓以作士衆之氣也云鼓人者中軍之
將帥帥旅帥也者按左氏成二年傳晉與齊戰于鞞
卻克傷於矢曰余病矣張侯曰師之耳目在吾旗鼓
進退從之於是右援抱而鼓之時卻克擊鼓哀三年
左傳鐵之戰趙簡子云伏鼓嘔血鼓音不衰是皆將
居鼓下知兼有帥帥旅帥者按上文春辨鼓鐸云軍
將執晉鼓帥帥執提旅帥執鼙皆鼓人故知是軍
將帥帥旅帥也其卒長執鏡已下皆金非鼓也云司
馬兩司馬也者以其上文云兩司馬執鐸故知此經

云司馬振鐸者是兩司馬也云以作衆者金雖非鼓
振之者亦是作衆也云作起也既起鼓人擊鼓以
行之者釋經車徒皆作鼓行也云伍長鳴鐸以節之
者上文云公司馬執鐸鼓人職云金鐸節鼓故云伍
長鳴鐸以節之也云伍長一曰公司馬者上文云公
司馬執鐸是伍長故云一曰公司馬也先鄭云撫讀
如弄者直以撫弄聲相近以振鐸謂之弄也玄謂如
涿鹿之鹿者謂從史記黃帝與蚩尤戰于涿鹿之鹿
直取音同不從義也此是鹿鹿然作聲也云掩上振
之者以手在上向下掩而執之云止行息氣也者按
鼓人云金鐸通鼓金鏡止鼓則金鐸是通鼓而云止
行息氣者見經云撫鐸即云群吏弊旗故知金鐸亦
得止行息氣也司馬法鼓聲不過闌
以下者證鼓聲與鐸聲之有異也
又三鼓振鐸作
旗車徒皆作鼓進鳴鐸車驟徒趨及表乃止坐作如
初趨者赴敵尚疾之漸也春秋傳曰先人有奪人

之心及表自第二前至第三

○驟仕救反劉才

○春

秋至之心○釋曰昭二十一年冬十月華登以吳師救華氏宋厨人濮曰軍志有之先人有奪人之心註云戰氣未定故也後人有待其衰乃鼓車馳徒走及註云待敵之衰乃攻是其事也

表乃止

及表自第三前至前表鼓戒三闕車三發

徒三刺

鼓戒戒攻敵鼓壹闕車壹轉徒壹刺三而

止象服敵

○闕若○鼓戒至服敵○釋曰經并言

車一轉徒一刺三而止者鄭據實而言非是一時而三故也

乃鼓退鳴鏡且卻及

表乃止坐作如初

鏡所以止鼓軍退卒長鳴鏡以

和眾鼓人為止之也退自前表至後表鼓鐸則同習

戰之禮出入一也異者廢鐸而鳴鏡

○卻起略反和胡臥反為于偽

反下為○乃鼓至如初○釋曰此言乃鼓退者謂至相疑同○南表軍吏及士卒回身向北更從南為始

註疑謂

也云鳴鏡且卻者此鳴鏡且卻據初至南表退軍之時象在軍軍退亦鳴鏡是以左氏哀公傳鐵之戰陳子云吾聞鼓不聞金亦是鳴鏡退軍註及其北向即更為習戰之事故云及表乃止坐作如初故鄭云習

戰之禮出入一也○鏡所至鳴鏡○釋曰六鏡所以止鼓者鼓人職云金鏡止鼓是也知卒長鳴鏡者

春辨鼓鐸云卒長執鏡是也云退自前表至後表者經略言表則及表乃止坐作如初者總向北三表故

鄭云自前表至後表也云鼓鐸則同者鼓人三鼓兩司馬執鐸與向南時同以其習戰之禮出入一也云

異者廢鐸而鳴鏡者前向南時云鼓行鳴鐸此北向不言鳴鐸而言鼓退鳴鏡以其雖習戰出入一猶眾退軍故

鳴鏡也遂以狩田以旌為左右和之門群吏各帥其

車徒以敘和出。左右陳車徒。有司平之。旗居卒間。以分地。前後有屯百步。有司巡其前後。險野人為主。易野車為主。

野

冬田為狩。言守取之。無所擇也。軍門曰

和。今謂之壘門。立兩旌以為之。敘和出。用次第出。和

門也。左右或出而左。或出而右。有司平之。鄉師居門

正其出入之行列也。旗軍吏所載。分地調其部曲。疏

數。前後有屯百步。車徒異群。相去之數也。車徒畢出

和門。鄉師又巡其行陳。鄭司農云。險野人為主。人居

前。易野車為主。車居前。

分扶問反。又如字。註同。易以鼓反。註同。壘力軌反。

于 旁 擊 項

遂以至為主。釋曰。此一節總論敘戰訖入防田獵之事。故云遂以狩田也。云以旌為左右和之門者。六軍分三軍。各處東西為左右。各為一門。云以敘和出者。以敘戰處內。故以田處出。云旗居卒間者。軍吏各領已之士卒。執旗以表之。故旗居卒間也。○冬田至居前。○釋曰。云冬田為狩。言守取之。無所擇者。對春夏言蒐。言苗有所擇。及秋名獮。中殺者多。對此圍守之。此又多於獮。故得守名也。云軍門曰和者。左氏傳云。師克在和。不在眾。田獵象戰伐。故其門曰和。門也。云今謂之壘門者。漢時軍壘為門。名曰壘門。與古和門同。故舉為說。云立兩旌以為之者。昭八年穀梁傳云。秋蒐以紅。正也。又云。刈蘭以為防。置旌以為轅門。以葛覆質以為繫。註云。質。棋也。繫。門中梟。又云。流輦。御輦者不得入。註。流。旁。握。謂車兩轆頭各去門邊容握。握四寸也。又車攻詩。傳云。大芟草以為防。或舍其中。褐。纏。旃。以為門。表。纏。質。以為轅。門。容。握。驅。而入。繫。則不得入。左者之左。右者之右。然後焚而射焉。又云。古者戰不出項。田不出防。是其事也。云有司平

之鄉師居門正其出入之行列也者按鄉師職云巡其前後之屯而戮其犯命者斷其爭禽之訟故知此經云有司皆是鄉師也云車徒異群者出軍之時一車甲士三人步卒七十二人車徒同群今在軍行列之時則車徒異群故車人有異也

既陳乃設驅逆之車有司表貉于

陳前 **驅驅出禽獸使趨田者也逆逆要不得令走**

設此車者田僕也 ○驅起具反又 **既陳至陳前** ○如字要於遙反 **釋曰前經論陳**

車徒訖故此云既陳云乃設驅逆之車設訖即為表貉之祭於陳前也 **驅驅至僕也** ○釋曰云驅驅

出禽獸使趨田者按王制云天子發諸侯發皆不云佐車者其實天子諸侯田時皆有驅逆之佐車直於大夫言之者據終而言也知設此車是田 **中軍以鼙**

令鼓鼓人皆三鼓群司馬振鐸車徒皆作遂鼓行徒

銜枚而進大獸公之小禽私之獲者取左耳 **群司**

馬謂兩司馬也枚如箸銜之有繡結項中軍法止語

為相疑惑也進行也鄭司農云大獸公之輪之於公

小禽私之以自畀也詩云言私其縱獻肩于公一歲

為縱二歲為犯三歲為特四歲為肩五歲為慎此明

其獻大者於公自取其小者玄謂慎讀為農爾雅曰

豕生三曰縱豕牝曰犯麋牝曰農獲得也得禽獸者

取左耳當以計功 ○箸直慮反繡戶卦反劉又胡麥反或音卦畀必二反與也犯音巴

本亦作巴慎如字亦音辰農音辰又音賢 **中軍至** 止反農麋牝也縱本亦作變子工反 **左耳** ○

釋曰此令鼓之事與上文教戰時大同惟徒銜枚為異○**群**群司至計功○釋曰鄭知群司馬謂兩司馬者上文春辨鼓鐸云兩司馬振鐸故知之也云枚如箸銜之有繯結項中者雖無正文以意言之繯即兩頭繫也既有兩繫明於項後中央結之先鄭引詩云言私其縱獻肩于公一歲為縱已下鄭皆不從者齒詩毛傳云三歲曰**群**此云四歲為肩爾雅云豕生一曰特二曰師三曰縱又爾雅云麋牝曰麋無五歲為慎又魏詩云三歲曰特先鄭皆無可依據**及所弊鼓**故不從也若然**群**還是鹿之絕有力者也

皆駘車徒皆譟**鄭**鄭司農云及所弊至所弊之處玄謂至所弊之處田所當於止也天子諸侯蒐狩有常至其常處吏士鼓譟象攻敵尅勝而喜也疾雷擊鼓曰駘譟謹也書曰前師乃鼓譟譟亦謂喜也○駘本亦作駘

胡楷反李一音亥譟素**及**及所至皆譟○釋曰云及報反譟音符又芳甫反**徒**徒乃弊止之處謂百姓獵止○**鄭**鄭司至喜也○釋曰引書曰者書傳文彼說武王伐紂時事

徒乃弊致禽**饋獸于郊入獻禽以享烝****徒**徒乃弊徒止也冬田主用眾物多眾得取也致禽饋獸于郊聚所獲禽因以祭四方神於郊月令季秋天子既田命主祠祭禽四方是也入又以禽祭宗廟○**烝**烝之升反後皆放此

徒徒乃至享烝○釋曰云致禽饋獸于郊者亦謂因田過郊之神位而饋之○**徒**徒乃至宗廟○釋曰月令季秋天子既田云云者證彼祭禽于四郊與此饋獸于郊為一物其實彼一解以為是仲秋祭禽以祠禘也

及師大合軍以行禁令以救無辜伐有罪**師**

帥

所謂王巡守若會同司馬起師合軍以從所以威天

下行其政也不言大者未有敵不尚武○從才用

師所至尚武○釋曰云師所謂王巡守若會同者

以對下文云若大師是出軍法故鄭云未有敵不尚

若大師則掌其戒令泣大卜師執事泣爨主及軍

也器大師王出征伐也泣臨也臨大卜上出兵吉凶

也司馬法曰上下下謀是謂參之主謂遷廟之上及

社主在軍者也軍器鼓鐸之屬凡師既受甲迎主于

廟及社主祝奉以從殺牲以血塗主及軍器皆神之

若大至軍器○釋曰云帥執事泣爨主及軍器者

按小子職云爨那器及軍器彼官爨之而大司馬

臨之○大師至神之○釋曰鄭知臨大卜者按大

卜云掌龜之人命一曰征故知也云司馬法曰上卜

下謀是謂參之者卜在廟又龜有神故云上卜謀人

在下故云下謀君居其中故云參也云主謂遷廟之

主及社主在軍也會子問云軍行則以遷廟之主

行左傳祝佗云軍行祓社爨鼓祝奉以從尚書云用

命賞于祖不用命戮及**致建大常比軍眾誅後至者**

于社皆是在軍者也比或作庀鄭司農云致謂聚眾也庀具也玄謂致

鄉師致民於司馬比校次之也此必履反註同或

庀匹是也劉芳美此或至之也○釋曰先鄭云

反具也沈方二反此或至之也○釋曰先鄭云

不從以為校次者凡物有數者皆須校次乃知具不

故不從具也玄謂致鄉師致民於司馬者據鄉師職

知之具司馬用王大常致眾若王不親則司馬自用大

故司馬用王之大常致眾若王不親則司馬自用大

司禮疏

卷之二十九

具疑其訛

之旗致

及戰巡陳賦事而賞罰

註

事謂戰功也

音視

疏

及戰至賞罰。釋曰：巡陳者，司馬當戰對陣之時，巡軍陳，視其戰功之事，知其有功無功，而行賞罰也。

若師有功，則左執律，右秉鉞，以先愷樂獻于社。

註功

勝也。律所以聽軍聲，鉞所以為將威也。先猶道也。兵

樂曰愷，獻于社，獻功于社也。司馬法曰：得意則愷樂。

愷歌示喜也。鄭司農云：故城濮之戰，春秋傳曰：振旅

愷以入于晉。音越道。若師至于社。釋曰：云

秉鉞以先者，謂戰陳知有勝功訖，乃執律者，示此律

聽軍聲，尅勝耳。右秉鉞，示威也。功勝至于晉。師執聽，至此尅勝，司馬執之，先鄭引城濮之戰者，信

二十八年，晉文公敗楚於城濮，兵入曰：振旅，整衆而還。歌愷樂而入晉，彼諸侯法與此天子禮同，故引為證也。趙商問：夏官師有功，則獻于社，春官大司樂王

師大獻，則令奏愷樂。註云：大獻，獻捷於社，不達異意

鄭答曰：司馬主軍事之功，故獻於社。大司樂宗伯之

屬宗伯，王宗廟，故獻于社。若然，軍有功，二處俱獻，以

其出軍之時，告于祖。宜于社，故反必告也。若師不功，則厭而奉主車。

註鄭

司農云：厭，謂厭冠，喪服也。軍敗則以喪禮，故秦伯之

敗於殺也。春秋傳曰：秦伯素服郊次，鄉師而哭。玄謂

厭，伏冠也。奉猶送也。送主歸於廟與社。李一音於入

反註同。殺戶交反。劉音豪。鄉師許亮反。秦伯事左傳僖三十三年。秦師襲鄭之事，按彼僖三十年。秦晉圍鄭，鄭使燭之武說秦伯，秦師退，使杞子、逢孫、楊孫戍鄭，至僖三十三年。

小豈充

年秦使孟明視白乙丙西乞術襲鄭將至鄭逢商人
 弦高將市于周許之秦師還至敬晉師與姜戎敗之
 獲三帥囚之於晉晉舍三帥還秦伯素服郊次鄉師
 而哭之是其事也亥謂厭伏冠也者按曲禮云厭
 冠不入公門彼差次當總小功之冠以義言之五服
 之冠皆厭以其喪冠反吉冠於武上向內縫之喪冠
 於武下向上縫之以伏冠在武故得厭伏之名按檀
 弓註厭冠喪冠其服亦未聞若然先鄭引秦伯素服
 者彼據在國向外哭此則從外向內不同故云其
 服未聞後鄭不破者已有檀弓註此從破可知

弔勞士庶子則相

師敗王親弔士庶子之死者勞

其傷者則相王之禮庶子卿大夫之子從軍者或謂

之庶士

○勞力報反註同相思亮反註同

師敗至庶士

○釋曰按宮伯云掌宮中士庶

子註云士適庶俱兼則經中士為卿大夫士之身與宮

植 楨

伯討不同者彼宮正掌卿大夫士身宮伯別掌士庶
 子士庶子為適子支子明矣此惟一文云弔勞士庶
 子不見別有弔勞卿大夫士身故分之鄭望經為註
 故不同也若然此註不云士之子者以其卿大夫之
 適子為王與后與士同故親弔勞之士之子
 如眾人不得為王及后如士故不弔勞之也

慮事屬其植受其要以待攷而賞誅

大役築城邑

也鄭司農云國有大役大司馬與謀慮其事也植謂
 部曲將吏故宋城春秋傳曰華元為植巡功屬謂聚
 會之也要者簿書也攷謂考校其功亥謂慮事者封
 人也於有役司馬與之植築城植也屬賦丈尺與其
 用人數

○與慮音預又如字註與謀同屬音燭大

小之祭祀亦為之矣。饗食謂諸侯來朝，上公三饗，三食之等，行之在廟，故與大祭祀同，皆羞進魚牲。○**註** 牲，魚、豕、魚、牲。○釋曰：云祭祀謂尸賓，所以祭也者，大祭祀授尸祭饗，食授賓祭，祭者魚之大饗，即少牢下篇云：主人主婦，尸侑各一魚，加臠祭於其上，臠謂魚之反覆者，公食大夫亦云。授賓祭，故云祭祀謂尸賓，所以祭若王祭，則膳夫云：授王祭是也。先鄭云：大司馬主進魚牲者，必使司馬進之者，司馬夏官，夏陰氣所起，魚水物，亦陰類，故**大喪平士大夫**。鄭司農云：平，一使司馬進之也。

其服也。玄謂平者，正其職與其位。○**註** 大喪平士大夫，釋曰：必使司馬平之者，司馬之屬有司士、主群吏，今王喪不得使司士，故司馬平之。○**註** 鄭司至其位。○釋曰：先鄭云：平，一其服也者，後鄭不從者，小宗伯已懸**喪祭奉詔**衰冠，故後鄭以為平者，正其職與其位也。

馬牲。王喪之以馬祭者，蓋遣奠也。奉猶送也。送之

至

至墓告而藏之。○遣奠，棄戰反，後遣奠，遣車之類，皆同。○**註** 王喪，葬藏之。○釋曰：鄭

知喪祭是大遣奠者，以其喪奠反，虞卒哭喪祭之等，無奉送詔告，惟有大遣奠入壙之時，有奉送之事，故知喪祭是人遣奠耳。

